

國家圖書館藏

綫裝書局

中華歷史人物別傳集

金淑人割臂奉翁

金淑人割臂奉翁序

秦 瀛

金淑人温州太守楊警齋之配也適太守時姑已先歿事翁甚謹飲饌必躬親調治撫孤姪如己出太守初官江南縣丞淑人在家操井臼勤紡績辛勤劬菽水奉親甚得歡心既而太守權金山縣迎太公至署淑人随侍屬太守患病亟不省人事翁素患膈噎之症劇甚不食者數日投以參劑莫能下咽醫言不可治淑人計無所出籲天默禱願減己筭十年益翁壽並剖左腕肉約長三寸許廣二寸和藥以進偽稱翁服之覺胸中如雷鳴而沈疴頓瘳蓋乾

隆甲寅十月事也太守解金山篆淑人旋侍翁還秦中途次疾復作謂淑人曰再得前藥自可立愈淑人復如前奉進而翁遂健飯如常不復隔矣後翁逾十年始歿適與默顓之期若合符焉淑人以子職封淑人其女夫唐翰林鑑習於余乞余書其事徵言於京師之工詩文者余故識警齋爰識淑人之孝行如此

吳雲

割股之訓不著於經魏之張密唐之王友貞及鄆人宋之雷天錫嘗為之元明以來尤夥而女子無聞若金淑人之事可紀焉

淑人為楊太守警齋配乾隆甲寅冬警齋權金山縣事翁患膈噎淑人默顓於天願減已筭十年益翁壽已而割左腕肉和藥以進遂瘥洎還秦中途次疾復作淑人復如前奉進病頓除後適符默顓之期異哉其偶然與抑誠能動天而天果鑒之也嘗

三

論女子之性柔順然三代以後節烈之行倍於古昔至於純孝性成尤所僅見意者天地清明正大之氣鍾於閨閣者獨耶近日吾鄉陳泰來之妻范氏亦割臂療夫疾附書

金淑人割臂詩

陶澍

割股以行孝不見往聖經後儒好持論此
義日益精匹夫曰愚孝賢者曰過情髮膚
不毀傷謂恐民戕生我意獨不然殺身言
成仁報親如報國縱死非無因惜身以為
忠忠者多如塵剡因不辯愚愚者能幾人
卓哉高世誼乃出於釵巾減笑益翁壽夜

四

禱聞泣聲忽然引利刃割肉和杯羹一割
膏寸濶再割兩掌盈旁人不及覺已有神
鬼驚此事詎堪屢而為舊貫仍古人不易
得今人蓋難能

蔡之定

孝行通神明孝名動六合巾幗有至性可

歌復可泣太守秦中楊作宦歷郡邑歟配
金泚人事翁執禮法翁殮婦親炊翁飲婦
親汲翁病醫無靈噎不下米粒婦計無復
施撫膺暗鳴咽挽肉三寸長割取作羹汁
杯盛手自擎長跼進翁榻翁餌甘且芳二
豎脩遁誓再割疾再瘵益笑恰符十
十齡益翁壽大孝摠愚誠籲天天不隔直比甯大
夫其愚不可及

五

李宗瀚

聖門重金歸啓手與啓足昌黎譏野人毀
傷拯流俗割股事親儒者惜此義豈遽繩
巾幗防猶不至孝易哀誰是雖雖奉朝夕

卓哉金洲人事翁多苦辛妾壽可折祈
壽翁身嬰疾剗妾肉以藥晉翁肌暗剔陡
覺腹鳴如霹靂引刀至再人不知仰天悲
於壯士激賢哉太史湘中唐門閭之賓家
道詳述事徵詩遍臺省繼宋謝諤傳篇章
吁嗟乎淋人生苟為男子以學愈愚以義
止不挂友貞門但榜德饒里趙芑溫嶠都
愧死

六

英和

宏農有孝婦事舅家西秦隨夫宦江南荆
釵猶故貧膏肓舅嬰瘵日夕蛾眉顰復苓
既無功俞跗亦不神倉皇刲股進入口回

陽春髮膚慎毀傷胡乃戕其身斯義在六
籍未可繩婦人昔賢況有此史丹言具陳
張密以人子介推以人臣女既移所天舅
寔同君親雖違儒者訓道足敦藝倫箕帚
見德色薄俗懲齊民表此勵巾幗庶使風
化淳

七

董誥

再割益翁壽十年關婦心毀傷雖可戒愛
敬亦何深勿作鄆人論還添女史箴因知
姜鯉外純孝更堪欽

趙慎畛

溫州太守五馬榮有婦無成代有終姑不

逮事翁逮事事翁之禮虔而豐翁疾鬱
填心胸飲食既阻醫無功泚人籲天暗拭
淚清香五夜滋滋恭願以已年補天壽乃
進藥物兼人工不知有藥知有肱不知有
肱知有翁脫長三寸廣二寸精誠感格無
窮通如是疾瘳忽復發勞之車馬還秦中
苦心孤詣一而再十年之請數竟同嗚呼
十年之請數竟同至誠神感傳為風

吳其彥

伊泚人之事親子曰女宗之儀軌賦于歸
於始笄子萱已悴而椿莛佐夫子以戒養
子躬盤匱而潔滌灑翁嬰疾以阨危子狀

呻吟而頽倚和緩脈而色沮子盧對無所
施其技泚人默天以祈代兮譟司命以增
齒剗臂肉而至再子癡殷殷而痛瘡託晨
饘以偽進兮翁飲之如甘旨胸拂悞以雷
鳴兮病立蠲而痼起草回生於祖洲兮膠
續斷於弱水亶誠懷之格昊兮俾勿藥而
有喜余既脩聞此閭懿兮心仰止而神樂
昔張密與友貞子割股臚於往史羗泚人
之篤孝子諶今昔真媲美

蔣立鏞

秦中有孝婦見舅不見姑夫官江南去子
婦一身俱侍養來金山舅病在斯須斯須

夫亦病救舅即救夫肝腸金石裂精誠鬼神扶但剗三寸肉為留百歲駒一念足千古何計拙與愚此藥何處得孝婦竟再剗再剗效如前承歡十載逾吁嗟乎孝婦當時第知減筭益親筭豈意冥之中若合符

宋 湘

天神地示中夜號孝婦臂肉落霜刀三寸兩寸投煎熬持飲其舅驅盲膏一割猶自可再割皮骨焦老人豈知孝婦肉三神山
上仙根苗阿翁健飯十年饒人不測只有
天昭昭婦肉婦筭乞翁活當時夜半心香

燒割臂時顯夫然神滅已筭十年益翁壽借問孝婦誰楊家太守吹

秦簫道是作宰金山縣一日卧病無昏朝

獨有婦與翁翁又不御餅與糕翁蓋患膈噎之症劇甚不食者數日

祝鳩無靈參朮廢磨刀霍：知誰教延後

相隨返鄉邑扶翁侍翁神所褒豈知翁病

又倉卒靈藥難問蒼天高吁嗟孝婦良獨

難欲再割之心胆寒茆店燈昏雞喔：孝

婦扶翁再食肉

葉紹本

慈烏善反哺棲息高樹枝亦有紫鸛傳采

羽翩來儀珠松耀首飾茵結施珈笄得升

君子堂纓悅何愉怡蘭滴奉甘旨鞠脰進

槃區備獲君舅懽愉景常熙：亡何翁夢
豎拂經占顛頤氣悟不得食攻達無所施
夫人抱深戚涕泗紛連而有親弗能療安
用婦式為所天况邁屬越漆難嘗糜詣首
顛穹蒼居高倘聽卑妾腸若輪轉翁命如
縣絲彷徨起四顧計迫將奚之解我金錯

十二

刀掩我文繡襦剝膚乃茹痛嚙指同癰痂
青麪和玉匕赤箭調金羶銜悽奉闈幕翁
嗜甘如飴豈飲帝台漿豈食齋房芝支蘭
陽氣入頰蘓白骨羸僮僕盡咋舌戚邨咸
嗟咨至誠默感應天意重典彝吾聞古純
孝魏史傳身綏胡乃閨襟間奇行表輝樛

懿徽邁髮截至性喻面顰昭朕叶瑀璜芳
躅疇能追湖湘有才子譽擅微雲詞示我
中壘傳德象驚女師江泉曾躍鯉乳姑忘
其兒請編石室略煒我彤管詩

蔡銓

關西太守今豪杰閨中夫人更奇特哀翁

十三

卧病藥不靈剗肉醫翁無楚色我昔計偕
過維揚唐子栗生言之詳酒酣拍案為吁
絕海水欲立雲蒼茫噫吁嘻山不奇峙無
名水不奇流無聲孝本庸行非奇節我謂
不奇天理滅束髮曾讀曹娥碑嗟哉孝女
千秋垂三年不雨噴：推奇孝格天信有

之以身代藥痛何極殺身成仁所不惜一
割再割人莫知血汗襟袖神鬼泣粟生本
是東床親如椽筆小峴司寇作序司寇文
年標姓字高風卓々誰為群鳳皇麒麟軼
飛走古今人瑞唯孝友何況名傳巾幗中
鬚眉我愧為人後

朱 琦

十四

妻為夫子為親精誠所至忘其身不若事
翁尤苦辛辛顙天天不高忍喪左股操
鋸刀叱野仲走游光逃誰知煮藥鎗中有
孝婦肉平昔進羹湯脂膏竟同熟長約三
寸廣二寸但得翁生死何恨願減已羹增

翁年辟穀果獲沉痾調瓊糜一勺神灑然
竭來侍翁還秦中依舊磊塊填心胃阿翁
呻吟問前藥瘦骨何堪屢遭削高堂有命
終須託厥後十年歸黃壚當年默禱真相
符吁嗟孝行古所無書其事秦司寇著其
配楊太守太守亦懋循良聲時々淚墮癡
痕青

五

許喬林

束髮治古文曾駁郭人對經生狂所安轉
咎陳藏器人各致吾情執一焉可概尤難
屬女宗豈識霜鋒淬至性偶鬱舒痛定或
心忒神悚蓮鐸銛一割那堪再近披小峴

集奇孝、乃大太守關西英佐餒有泚配
采蘭吹陔笙聞雞振珩珮猶子藐諸孤撫
之若子季即此已足傳萬口傳其寢奄、
就木翁籲帝以身代俞跗術不靈刳肉起
沉痾想當血濡縷誠至則能耐生人骨肉
軀辛螫尚苦礙壯士裹刀瘡再鼓氣先懈
朱殷衣百浣度必甚矣憊歸秦侍簋輿道
病增唏嘅篤老却參苓更逆血光碎豈真
此味甘神明所鑒在朝露光欲晞雲淵景
重拙乃知孝之至天竟不能外形史揚清
芬聞風更引媿區、奉檄心宵讀掌空燂

鄧祥麟

六

剔股奉親古所無跬步不忘毀髮膏千古
忠孝無定式未可厚非鄆大夫近代紛稱
剔股事其情雖同用則殊溫州太守得泚
配奇孝不與尋常俱泚人早擅女宗譽逮
事翁不逮事姑敦年厄匹席几杖一一內
則潛相符忽傳二豎入翁夢烹粉藥石窮
俞跗泚人此時皇且瞿請以身代天可呼
親持佩刀刳左腕血花淋漓三寸餘效速
復苓神乃瘡不期隔歲疾復作謂求前藥
沈疴除泚人此時婉且愉以肉調藥如其
初從此翁疾霍然蘓想當一割縷濡痛
定依然敬持扶霜淬銛鋒再能試不知舊

七

痛曾何如至情何必數于古明神勿敢違
其愚小峴作傳詞非諛欲編列女企昔儒

黃安濤

懿與淋人為楊家婦不幸之幸猶逮事舅
舅所素苦飢室為患堵山樛木致之孔艱
父憂子疾所患至掇子職婦供于計安出

六

百藥品嘗厥疾弗瘳殆哉呼吸實用隱憂
刀光煜々血出漉々扼腕而唏是藥非肉
量水作湯妙逾越方沈疴頓釋健飢如常
傷肌匪孝韓譏郭人儒者之言庸而可遵
以孝取人勇者割股有為而為蘓子弗與
嬾道無成豈伊為名危憲迫切激發至情

情之至真弗遑顧身式此巾幗取義成仁

董國華

奇行淋患難一往皆精誠人謀所不到乃
有血性生卓哉婢媛子至孝迨恒情翁病
醫莫治呼天封厥肱淋漓和藥進靈椿重
向榮事秘人不知蒼々鑒無聲亡何疾復

十九

作舟車方啓行翁顧謂賢婦前藥曷再烹
舍忍視舊臂殷癰尚縱橫一卦山鬼慄再
割天人驚應心奏奇效誠勇通神明是宜
集厚福第祿徵來并迂儒好目論苛刻非
持平肅拜頌懿嫻千春輝瑛瓊

何凌漢

老翁呻吟不絕口
桐君俞跗齋垂首有子
沉疴氣未甦
盡室倉皇嘆痺肘
何來中婦
仰天泣四顧
無人刀在手
婦自有夫
有父夫病翁危全仗婦吞聲一割血模糊強
起和丸神抖擻滑甘漸解三彭仇慷慨能
令二豎走自古難能容強為事或有偶難
再偶豈知純孝無改移鋒銛屢試瘡痍後
憶當搯擊操刀時寸心慘澹復何有呼吸
存亡未可知那期此事傳不朽吁嗟乎人
生至性豈有殊轉念或為禮所咎詩書不
必到巾幗萬行無乃存箕帚我亦鮮民今
完霄題詩翻愧鬚眉醜

謝階樹

金刀茹痛憫艱難
矢禱宵深淚未乾
熱血羅襦人不見
裹瘡先進九還丹
全受全歸說保身
尋常盥漱問雞晨
色絲黃絹碑中語
辛苦曹娥得幾人

廿

槩儀何止譽班箴
十載真償孝婦心
彤史他年勞載筆
白華為譜女曾參

何 奐

虔求默禱起沉疴
十載相償益壽多
莫道捐生非孝子
世間能得幾曹娥
有意全身念竝差
男兒報國更忘家
從來忠義心多赤
孝婦精誠自可嘉

唐 錢

人子戒毀傷毀傷非孝子毀傷而孝存何
以置威否秦中金泚人事翁盡其禮朝來
供厄匪尊來獻甘旨并曰婦自操負米子
千里家貧能盡歡啜菽而飲水居常固有
然處變更何似吾詢之吾兄

鏡海亭
為言之

畫言其

三

終始為言甲寅冬夫為金山宰迎養自秦
川子婦奉襪履顧翁長健飯得以晉滫瀡
誰知二豎來病入膏肓裹祝鳩已無靈盧
跗何足恃是時夫病疔雷鳴聞門蟻寒熱
遞相傳其子亦病癢牀頭夫呻吟牀下子
昏昧嗟哉默禱心蒼々者在顙天以救

翁大義動神鬼剜肉三寸餘益翁壽十載
君子謂之難世人聞而駭如何剜再割前
後如一軌以是觀泚人其孝視所毀吾思
金滕中請代丹祝史舍身事君親千古垂
至理

孔傳綸

三

神有針仙有藥未若純孝善醫人奪過倉
公與扁鵲剗刀兩度晝然聲皓臂血濺十
五絡顙天顙死代翁身二豎膏肓膽亦落
至今形管誌閨型女史何庸數鍾郝

吳其濬

夫衿襦佩訓祭門中其泚虔紛悅飭儀餽

食慎其抑搔規行矩禮德景魯姑執順銘
恭道準徐泚則有警齋先生之配金泚人
者明播玉粹泚問金貞簿笨同歸敦牟自
敬登堂捉甕啖鯉水之先枯授室盥巾懷
雞鳴以無慙未幾王良遠宦山濤入官寄
鴈途遼弋鳬星寄泚人薇青史之管助白

萬

華之笙滄瀨晨飴組紉宵軋李絡秀之具
饌中饋馨涓上官氏之承歡閭儀脩摯洎
警齋先生蟠筍珥祜權篆金山撰令君之
席篠導給事之鼓吹泚人軒車儼駕錦黻
摠駟隨翁之官觀者榮焉豈計棠陰跋涉
蟻或聞聲椿筭期頤鳩不止噎抵署甫數

日遠警齋先生遘病而翁患膈噎甚劇經
聞食掛更滯齧飯之噍醫謝上池遂窮漆
麤之術泚人勤容晝夜漉款神祇祝益親
年期以身代遂乃縮刀剖股齧肉和藥霜
鉉落臂血汁敷衣嚙苦咽辛禁聞家老怡
聲柔色密語僮婢詭稱練石衽進醪潘餌

五

湯未竟而翁病骨捐矣越歲翁再病泚人
復割股啖翁之病再愈啼痛未停鏹癰重
剔禱燈纂以卜吉感逾坦冰共藤英以同
療速如沃雪心痺身疴諱純孝哉夫闕齋
御史張密馨元魏之書診藉國工友貞勤
李唐之傳或身主家督或望隣宿德並勞

血一辰鐫於奕代若泚人者精諶之集上
叶靈示瘁瘡之劬靡聞前誥已遂作贊曰
棄粟贄恭樂紘記懿維泚人賢孝思不置
指心劇骨恬不以憐翁病瘵泚人賴古指
婦孝媛無與泚人貳

共

楊母金泚人墓誌銘

唐 鑑

嘉慶十六年七月三十日金泚人卒於揚
州之邸舍十七年四月十三日其子楊廉
來京師述遺命以隧道之詞屬其女夫翰
林院檢討唐鑑鑑侍泚人久聞泚人之為
婦至孝兩次封腕事翁夫孝格於天地通

芒

於鬼神生於人心者也仁於是著義於是
存其油然而不容置毅然不可奪者要必本
於性情之真得乎義理之極而平生之所
蘊蓄有以植其本而立其誠遇一時之萬
有難安湯獲可以赴刀鋸可以親而猶暇
有所顧惜哉故當夫呻吟欲絕方藥無功

生死呼吸人鬼哀鳴一往無前安知所謂
身體髮膚者如泚人之刳腕奉翁豈得已
者哉泚人姓金氏蘭州太學生某之女

誥封中議大夫楊公鶚之子婦前温州太
守兆鶴之妻泚人年十七歸太守入門操
井臼奉菽水得舅姑歡心接娣如怡、如

其

兄弟姑沒伯嫂主家事凡事之難理者泚
人以身任之不辭勞瘁初太守官江南縣
丞以書拉家為迎養計一日有蒼頭四人
至謂老僕王金曰吾自江南來迎養者翁
聞之喜促家人具酒肴飲食之泚人曰是
當有書令呈之其四人者曰吾於華陰道

中遇盜刳去行李無一存者泚人曰盜所
刳者財物無書不可留也四人多方辯飾
不許而後去王金惑之後宿於旅舍四人
以酒誘之乘其醉而取其衣履不知所往
旋太守權丹徒縣令迎翁到署年八十餘
患呃噎劇甚不食者七日泚人計無所出

其

晝夜哭泣赫香籲天拜而言曰翁當得大
壽何遽如此耶請減己筭一紀以益翁壽
割左腕肉長三寸許廣二寸偽稱他物和
藥以進方下咽覺胸中如雷鳴而沉痾頓
瘳是時太守病瘳又苦瀉痢亟不省人事
子姪俱幼無可與定省者泚人徬徨憂戚

躊躇於無可奈何之中忘其不敢毀傷之義竭忱瀝血以默籲於蒼天之天是豈得已耶逾年太守解金山篆泚人侍翁還秦中途次疾復作謂泚人曰再得前藥自可立愈泚人復如前割以進而疾果愈不復作矣翁由是享大年至九十七而卒泚人

卅

敬順慈惠自于歸以至太守致仕後事有不便者輒為太守婉言之必改而後已視諸姬子如已出初寓居姑蘓太守攜姬某氏入都留其子甫二歲泚人寢處不離懷抱是年痘疹傳染多不可治能保全者十無二三泚人力為調護禁奴婢不得往來

間巷啖兒以稀痘方所以防之者備至而痘竟發即危泚人日夜祈禱抱兒泣曰兒命即我命也若無兒吾亦無生矣百方診視典賣以資醫藥十餘日乃獲全泚人卒時年五十以嘉慶十九年八月初三日塋於郿縣城南某山之原丈夫子四長孝

卅

次廉次方次正廉泚人出候選通判女子子四長泚人出適長沙翰林檢討唐鑑孫男一塋之日鑑牽於職不獲執紼襄事憶嘉慶十五年冬以歸覲道出揚州泚人方卧病聞鑑至喜且以庶等屬曰兒幼未知讀書吾病不足憂所不能已於懷者此也嗚